



**ՆԱՅԱՍՏԱՆԻ ՆԱՆՐԱՊԵՏՈՒԹՅԱՆ ՍԱՆՄԱՆԱԴՐԱԿԱՆ ԴԱՏԱՐԱՆԻ ԹԻՎ 2 ԴԱՏԱԿԱՆ ԿԱԶՄԻ
Ո Ր Ո Շ ՈՒ Մ Ը**

ԱՆՆԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՆԱՐՅԻ ՎԵՐԱԲԵՐՅԱԼ

Քաղ. Երևան

15 մայիսի 2012թ.

Նայաստանի Նանրապետության սահմանադրական դատարանի թիվ 2
դատական կազմը՝

Նախագահությամբ՝ Ֆ. Թոխյանի

Անդամակցությամբ՝ Կ. Բալայանի

Մ. Թոփուզյանի

Քննության առնելով քաղաքացի Դավիթ Մանուկյանի անհատական դիմումի
ընդունելիության հարցը,

ՊԱՐԶԵՑ.

Նամաձայն ՆՏ Սահմանադրության 101-րդ հոդվածի 1-ին մասի 6-րդ կետի՝
քաղաքացի Դավիթ Մանուկյանը 2012թ. ապրիլի 25-ին դիմել է ՆՏ սահմանադրական
դատարան՝ խնդրելով որոշել ՆՏ քաղաքացիական օրենսգրքի (ուժի մեջ է մտել 01.01.1965թ.,
ուժը կորցրել է 01.01.1999թ.) 4-րդ եւ 95-րդ հոդվածների, ՆՏ հողային օրենսգրքի (ուժի
մեջ է մտել 15.03.1991թ., ուժը կորցրել է 15.06.2001թ.) 9-րդ հոդվածի 5-րդ պարբերության՝
ՆՏ Սահմանադրության 5-րդ, 91-րդ եւ 8-րդ հոդվածներին համապատասխանության
հարցը:

Սույն անհատական դիմումի նախնական ուսումնասիրությունը ցույց տվեց, որ ավյալ դեպքում դիմողի համար առաջացած անբարենպաստ հանգամանքները նրա նկատմամբ կայացված համապատասխան դատական ակտի արդյունք են, այսինքն՝ խնդրո առարկա դրույթների սահմանադրականությունը վիճարկելով՝ դիմողն ընդամենը բարձրացնում է դրանց կիրառման իրավաչափության հարց, փորձելով այն քողարկել՝ վիճարկելով խնդրո առարկա դրույթների հակասահմանադրականությունը: Դիմողը, մասնավորապես, նշում է, որ «...դատարաններն իրենց որոշումների հիմքում դնելով եւ ին նկատմամբ կիրառելով երեք ուժը կորցրած նորմ... հակասահմանադրական իրավակիրառ պրակտիկայի արդյունքում գրկել են... սեփականության իրավունքով ինձ պատկանող 1000 քմ հողամասի մի մասից» կամ «...վճռաբեկ դատարանը իր որոշմամբ վերահաստատելով օրինական ուժ է տվել վերաքննիչ դատարանի հակասահմանադրական իրավանորմների կիրառման արդյունքում ձեւավորված հակասահմանադրական դիրքորոշմանը...» կամ «...վիճարկվող նորմերի «իրավաբանական ուժով» (ուժը կորցրած) եւ առկա փնտեսական հարաբերություններին ոչ համահունչ բովանդակությամբ պայմանավորված սեփականության իրավունքի սահմանափակման եւ սեփականագրկման բովանդակության սխալ ընկալումը իրավակիրառական պրակտիկայում հանգեցնում է այդ նորմերի կիրառման ու կամայական մեկնաբանման, որ խախտում է սահմանադրությամբ երաշխավորված իրավունք»:

Փաստորեն, դիմողը՝ ձեւականորեն վիճարկելով օրենքի դրույթների սահմանադրականությունը, ըստ էության բարձրացնում է այդ դրույթների կիրառման իրավաչափության հարց: Համաձայն ՀՀ սահմանադրական դատարանի՝ 2009 թվականի մարտի 17-ի ՄԴԱՈ-21 որոշման մեջ արտահայտած իրավական դիրքորոշման՝ բոլոր այն դեպքերում, երբ դիմողը, ձեւականորեն վիճարկելով օրենքի դրույթի սահմանադրականության հարցը, ըստ էության բարձրացնում է այդ դրույթի կիրառման իրավաչափության հարց, ապա այդպիսի դիմումները ենթակա են մերժման՝ «Սահմանադրական դատարանի մասին» ՀՀ օրենքի 32 հոդվածի 1-ին կետի հիմքով՝ որպես սահմանադրական դատարանի քննության ենթակա հարց չառաջադրող դիմումներ:

Այսինքն՝ առկա է անհատական դիմումի հիման վրա գործի քննությունը մերժելու՝ «Սահմանադրական դատարանի մասին» ՀՀ օրենքի 32-րդ հոդվածի 1-ին կետով նախատեսված հիմք:

Ելնելով վերոգրյալից եւ ղեկավարվելով «Սահմանադրական դատարանի մասին» ՀՀ օրենքի 32-րդ հոդվածի 1-ին կետով՝ ՀՀ սահմանադրական դատարանի թիվ 2 դատական կազմը

Ո Ր Ո Շ Ե Ց .

Քաղաքացի Դավիթ Մանուկյանի անհատական դիմումով գործի քննության ընդունումը մերժել:

Նախագահող

Անդամներ



15 մայիսի 2012 թվականի
ՍԴԴԿՈ/2-10